

大方廣佛華嚴經入不思議解脫境界普賢行願品  
卷第二十三

唐罽賓國三藏般若奉詔譯

爾時善財童子得此菩薩甚深自在可愛妙音解脫  
正念思惟增長廣大精勤顯示普遍修行。即時往詣  
開敷一切樹華安樂主夜神所見。其身在眾寶香樹  
枝條樓閣之內坐大寶樹妙藏師子之座。十千夜神  
前後圍繞善財童子。頂禮其足於前合掌而作是言。  
聖者。我已先發阿耨多羅三藐三菩提心。而未知菩  
薩云何學菩薩行云何修行成就增長得一切智。唯

願慈哀為我宣說。夜神告言。善男子。我於此娑婆世  
 界。日光已沒。蓮華覆合。諸人眾等罷遊觀時。見其一  
 切若山若水。若城若野。若異國土。如是等處。種種眾  
 生。咸悉發心。欲還所住。迷失道路。惶怖不安。我皆密  
 護。令其無畏。為放光明。示以正道。達其處所。令免眾  
 苦。宿夜安樂。若有眾生病苦。逼惱於夢寐中。令其安  
 樂。善男子。若有眾生。盛年好色。愛著縱逸。五欲自恣。  
 驕慢醉心。我為示現老病死相。令生恐怖。捨離諸惡。  
 永斷無明。離生死怖。復為稱歎種種善根。令其修習。  
 為堅悟者。讚歎布施。為破戒者。稱揚淨戒。有瞋害者。

令行慈忍。若懈怠者。令其精進。若散亂者。令修禪定。  
 住惡慧者。令學般若。樂小乘者。令住大乘。勤修一切  
 善巧方便。樂著三界諸趣中者。令住菩薩願波羅蜜。  
 若有眾生。福智微劣。為諸結業之所逼迫。種種障礙。  
 不自在者。令住菩薩力波羅蜜。若有眾生。其心闇昧。  
 無有智慧。著我我所。種種昏蔽。令住菩薩智波羅蜜。  
 善男子。我得菩薩出生廣大歡喜光明解脫門。善財  
 自言。聖者。此解脫門境界云何。夜神言。善男子。入此  
 解脫。能知如來種種福聚。普攝眾生。善巧方便。智慧  
 光明。云何普攝。善男子。一切眾生所受諸樂。皆是如

來威德力故。順如來教故。行如來語故。學如來行故。  
 得如來所護力故。修如來所印道故。種如來同類善  
 根故。讚如來相似善果故。守護如來所說戒法故。隨  
 喜如來廣大誓願故。如來平等智慧日光之所照故。  
 如來性淨圓滿業力之所攝故。以如是故。一切世間  
 種種安樂出現成就。云何知然善男子。我入此出生  
 廣大歡喜光明解脫門時。正念思惟。毗盧遮那如來  
 應正等覺。往昔所修菩薩行海。隨順觀察。悉皆明見。  
 善男子。世尊往昔為菩薩時。見一切眾生著我我所。  
 住無明暗室。入諸見稠林。為貪愛所縛。忿怒所壞。愚

癡所亂。怪嫉所纏。種種煩惱。逼擾身心。生死輪迴。貧  
 窮困苦。不得值遇諸佛菩薩。我見是已。起大悲心。為  
 欲利益一切眾生。所謂起願得一切妙寶資具。攝眾  
 生心。願一切眾生皆悉具足資生之物。無所乏心。於  
 一切眾事離執著心。於一切境界無貪染心。於一切  
 所有無慳吝心。於一切布施無疑惑心。於一切果報  
 無希望心。於一切榮好無羨慕心。於一切因緣無迷  
 惑心。起觀察真實法性心。起救護一切眾生心。起深  
 入一切諸法自性漩復心。起於一切眾生住平等大  
 慈心。起於一切眾生行方便大悲心。起為大法蓋普

覆眾生令無熱惱心起以大智金剛杵破一切眾生  
 煩惱大障山心起令一切眾生速疾增長廣大喜樂  
 心起願一切眾生究竟成就極安樂心起隨一切眾  
 生所欲雨一切財寶心起以平等方便成熟一切眾  
 生心起令一切眾生滿足聖財心起願一切眾生究  
 竟皆得十力智果心起如是心已得菩薩力現大神  
 變徧滿虛空最勝法界於一切十方諸眾生前起一  
 切相一切財一切布施無緣大雲普雨一切眾寶瓔  
 珞資生之物隨諸眾生心之所欲悉滿其意皆令歡  
 喜如是無量布施攝門種種財物恒行惠施於一切

784

時常無休息不悔不吝無閒無斷以是方便普攝眾  
 生教化成就具足圓滿皆令得出生死苦難救護饒  
 益不望其報作意平等心無分別淨治一切眾生心  
 寶令其生起於一切佛一相深密同一善根應眾生  
 心作眾資具攝取眾生增一切智速疾圓滿福德大  
 海菩薩如是於念念中盡無餘界調伏成熟一切眾  
 生令其皆得最勝清淨念念嚴淨一切佛刹令無穢  
 穢念念普入一切法界念念皆悉徧虛空界念念普  
 入一切三世念念以方便智調伏眾生念念恒於一  
 切世界普轉一切不退法輪念念恒以一切智道善

785

巧利益一切眾生念念普於一切世界種種差別諸  
 眾生前盡未來劫現一切佛成正覺念念普於一  
 切世界一切諸劫修菩薩行不生二想所謂普入一  
 切廣大世界海一切世界種中所有一切種種際畔  
 諸世界種種莊嚴諸世界種種體性諸世界種種形  
 狀諸世界種種分布諸世界或有世界穢而兼淨或  
 有世界淨而兼穢或有世界一向穢或有世界一  
 向清淨或有廣大或有狹小或高或下或麤或妙或  
 正或側或覆或仰或圓或方或非圓方如是一切種  
 種名字形像莊嚴諸世界中念念修行諸菩薩行入

786

菩薩住現菩薩力亦現三世一切佛身隨眾生心普  
 使知見速疾增長一切智福德海門善男子毗盧遮  
 那如來於過去世如是修行菩薩行時見諸眾生不  
 修福德無有智慧遠離慚愧著我我所無明業障出  
 生種種不正思惟入諸邪網惡見稠林不識因果順  
 煩惱業迷惑其心不得自在墮於生死險難深坑具  
 受種種無量諸苦起大悲心修習一切波羅蜜行為  
 諸眾生稱揚讚歎堅固善根令其安住遠離生死貧  
 窮困苦勤修福智助道之法為說種種諸因果門為  
 說業報不相違反為說於法證入之處為說一切眾

787

生欲解。及說一切受生國土。令其不斷一切佛種。令其守護一切佛教。令其捨離一切諸惡。又為稱歎趣一切智助道之法。令諸眾生心生歡喜。令行法施普攝一切。令其發起一切智行。令其修學諸大菩薩波羅蜜道。令其增長成一切智諸善根海。令其滿足一切聖財。令其得入佛自在門。令其攝取無量方便。令其觀察如來威德。令其親近隨順如來寂靜安樂。令其安住成就菩薩種種智慧。爾時善財童子。自言聖者。發阿耨多羅三藐三菩提心。修此妙行。其已久如夜神告言。善男子。如汝所問。此事難知。難信。難解。難

證難入。難可顯示。難可生起。難可演說。一切世間諸天及人。聲聞獨覺。皆不能知。唯除如來威力所加。善知識所攝。修習廣大福德智慧。其心堅固。欲樂清淨。無下劣心。無褻染心。無諂曲心。無散亂心。無鄙恪心。無極暗心。得普照耀。開敷一切智光明心。發普利樂成熟一切諸眾生心。一切煩惱。及以眾魔無能壞心。起必趣向一切種智無障礙心。不樂世間一切生死染汙樂心。能樂觀察一切如來清淨妙樂。能勤除滅一切眾生憂悲苦海。能修一切諸佛如來功德法海。能觀一切諸法實性。虛空境界。能具一切廣大甚深

清淨信解能超一切生死暴流能入一切如來智海。  
 能決定到無上法城能勇猛入如來境界能速疾趣  
 諸佛智地能即成就一切智力能於十力已得究竟  
 如是之人乃能於此能知能入能信能解能持能了。  
 隨順修行何以故。此是如來智慧境界。一切菩薩尚  
 不能知。況餘眾生。然我今當承佛威力。欲令調順可  
 化眾生意速清淨。欲令修習善根。眾生心得自在。隨  
 汝所問為汝宣說。爾時開敷一切樹華安樂主夜神。  
 欲重明此義。觀察三世如來境界而說偈言。

佛子汝今之所問

諸佛無邊深境界

790

難思刹海微塵劫  
 非諸弊惡貪恚癡  
 垢心纏縛眾生等  
 非諸諂誑濁亂心  
 煩惱業繩之所繫  
 非是執著蘊界處  
 心倒想倒見倒人  
 寂靜甚深諸佛境  
 非著諸有生死人  
 生於諸佛種姓家

具足演說無能盡  
 憍慢無明惑所覆  
 能知諸佛寂靜法  
 常隨慳嫉情無捨  
 而能了知佛境界  
 心恒不捨於身見  
 能入如來寂滅地  
 本性真常離分別  
 入此平等無依法  
 一切如來恒守護

791

能持法王教藏者  
 親近真實善知識  
 專求佛力受法雲  
 心恒清淨無分別  
 智燈自在破無明  
 以大慈悲覆世間  
 隨宜利樂無邊際  
 心常歡喜無諸著  
 樂說平等施眾生  
 心無垢濁離諸過

此仙智眼之境界  
 愛樂白法無厭足  
 彼聞此法生歡喜  
 不著一切如虛空  
 此無垢者之境界  
 徧入三世眾生海  
 此深行者之境界  
 一切所有皆能捨  
 此無著者之境界  
 究竟調伏無憂悔

792

隨順佛教能具修  
 心無動亂無分別  
 遠離一切諸惑業  
 心無疲厭常無退  
 安住增上淨戒中  
 其心深入諸三昧  
 已修一切智海因  
 了知諸法差別相  
 普度羣生靡有餘  
 了達眾生真實性

此無垢者之境界  
 能普覺知諸法性  
 此解脫者之境界  
 勇猛勤修一切智  
 此大丈夫之境界  
 究竟清涼無熱惱  
 此寂靜者之解脫  
 善入無邊深法界  
 此慧燈者之解脫  
 於諸有海無所著

793

如影普現心中  
 從於三世諸佛海  
 盡諸劫刹勤修行  
 普入一切法界門  
 亦見其中劫成壞  
 十方刹海極微中  
 成等正覺化羣生  
 汝從無量劫海  
 為利羣生求正法  
 毗盧遮那廣大境

此先導者之解脫  
 方便願種而出生  
 此普賢者之解脫  
 悉見十方諸刹海  
 此無二者之境界  
 悉見佛坐菩提樹  
 此無礙眼之境界  
 親近承事善知識  
 問已憶念無遺忘  
 無量無邊難思議

我承佛力為汝說

令汝深心轉清淨

善男子。乃往古世過世界海極微塵數劫。有世界海。名毗盧遮那海。真金摩尼山。彼世界海中有佛出現。名普照法界智慧山寂靜威德王。善男子。其佛往修菩薩行時。能普清淨彼世界海。其世界海中有佛刹極微塵數世界種。一一世界種有佛刹極微塵數世界。一一世界有世界極微塵數劫。一一劫中無量如來出興於世。一如來說世界海極微塵數修多羅。一一修多羅授佛刹極微塵數諸菩薩記。現種種佛神通力。說種種調伏眾生法。轉種種諸乘輪度無量

眾生海。善男子。彼毗盧遮那海真金摩尼山世界海中。有世界種名普門現前莊嚴幢。此世界種中。有世界名一切寶色吉祥普照光明。以現一切化佛影像。摩尼王為體。形如天城。以現一切如來菩提道場。摩尼寶王而為莊嚴。住於一切寶拘蘇摩華海上淨穢相禱。此世界中。有須彌山極微塵數四天下。有一四天下最處其中。名一切寶山幢。其四天下。一一縱廣無量百千由旬。一一各有一萬大城。其閻浮提中。有一王都名妙寶娑羅莊嚴雲燈。以十千大城而為眷屬。周匝圍繞閻浮提人壽萬歲時。中有輪王名一切

796

法圓滿。蓋大吼聲。其王具有五百輔臣。六萬姝女。七百王子。其諸王子色相端嚴。勇健雄猛。有大威力。爾時彼王威德。普被閻浮提內。無有怨敵。時彼世界劫欲盡時。有五濁起。一切人眾壽命短促。資財乏少。形色鄙陋。行住坐臥多苦少樂。不修十善。專作惡業。更相忿爭。互相傾奪。欺誑詐偽。綺飾言辭。離間於他。發麤惡語。妒他榮好。非法貪求。深入邪網。稠林曠野。以是因緣。風雨不時。苗稼不登。藥木花卉。園林草樹。一切枯槁。衣食匱乏。多諸疫病。馳走四方。靡所依怙。咸來共遶王都大城。無量無邊百千萬億。四面周匝高

797

聲大叫。或舉兩手。或復合掌。或以頭叩地。或舉手椎  
骨。或屈膝長號。或踊身大叫。頭髮攪亂。衣裳弊惡。皮  
膚皴裂。面目無光。彼諸眾生。以種種形貌。出種種音  
聲。作種種言辭。爲種種談說。而白王言。大王。我等今  
者貧窮孤露。飢渴寒凍。疾病衰羸。眾苦所逼。種種困  
厄。迫切身心。命將不久。無依無救。無所控告。如在牢  
獄。死相現前。我等今者來歸大王。我觀大王仁慈智  
慧。於大王所生。得安樂。想得憐愍。想得愛敬。想得身  
命。想得攝受。想得寶藏。想遇津梁。想逢道路。想值船  
筏。想見寶洲。想獲財利。想升天宮。想離怨家。想滅眾

798

苦。想爾時大王聞此語。已獲得百萬阿僧祇大悲門。  
一心思惟。作意觀察。發於十種大悲之語。云何爲十。  
所謂哀哉眾生。墮落無底生死深坑。我當云何而速  
免濟。令其得出安住如來一切智地。哀哉眾生。爲諸  
煩惱逼迫身心。我當云何而作救護。安住種種善業  
道中。哀哉眾生。恒爲種種生老病死之所恐怖。我當  
云何爲作歸依。令離縛著。永得一切身心安隱。哀哉  
眾生。常爲世閒種種恐怖。逼害其身。我當云何而爲  
救護。令其得免一切厄難。安住如來一切智道。哀哉  
眾生。無有智眼。常爲身見疑惑所覆。我當云何爲作

799

方便令其得決疑見賢膜哀哉眾生常為癡暗之所  
 迷惑遠離善法我當云何為作慧炬照彼無明令其  
 顯現一切智城究竟解脫哀哉眾生常為種種慳嫉  
 諂誑濁亂其心我當云何而為開曉令其證得清淨  
 法身哀哉眾生長時漂溺一切世界生死大海我當  
 云何為作船筏而普運度令其得入一切智海哀哉  
 眾生諸根剛強遠離調御無上大師一切世閒無能  
 調者我當云何而為調御令其成熟一切善根具足  
 如來大威神力哀哉眾生猶如盲瞽不見正道隨逐  
 邪徑我當云何開其慧眼而為引導令其得入一切

智門時彼大王興此十種大悲之心作是語已即於  
 王都大眾之中擊鼓宣令咸使聞知我今普施一切  
 眾生隨有所須悉令充足即時頒下閻浮提內大小  
 諸城及諸聚落悉開庫藏出種種物置四衢道所謂  
 金銀琉璃摩尼等寶衣服飲食華香鬘蓋塗香末香  
 種種瓔珞宮殿屋宅牀榻敷具一切資財無不備足  
 建大光明摩尼寶幢其光觸身悉使安隱滅除黑暗  
 開發照明隨心所欲皆悉圓滿又復隨化種種身形  
 一切承事供養恭敬一切眾生亦施一切病緣湯藥  
 活命資具種種寶器盛眾裸寶所謂金剛器中盛種

種種香寶香器中盛種種衣摩尼妙寶莊校嚴飾輦輿  
車乘眾寶瓔珞寶帳寶網周圍垂覆建立種種高勝  
妙幢如是一切資生之物悉開庫藏而以給施亦施  
一切村營城邑山澤林藪妻子眷屬及以王位頭目  
耳鼻脣舌牙齒手足皮肉心腎肝肺大腸小腸脂膏  
筋脉一切支分內外所有悉皆能捨爾時妙寶娑羅  
莊嚴雲燈王城東門名摩尼山威德於其門外有施  
會處其地廣博清淨平坦無諸坑坎荆棘沙礫一切  
皆以妙寶所成散眾寶華燒諸妙香無數摩尼王寶  
莊校嚴飾然諸寶燈周徧照耀寶燄吉祥威德香雲

充滿虛空無量寶樹次第行列微妙分布閒錯莊嚴  
種種天人宮殿樓閣種種莊嚴種種幢幡種種繪蓋  
常出光明寶拘蘇摩網一切香王寶網彌覆其上寶  
鐸徐搖出妙音聲無量百千億那由他諸音樂器恒  
出妙音如是一切皆以妙寶而為莊嚴悉是菩薩淨  
業果報之所成就於彼會中置師子座十種妙寶以  
為其地十寶欄楯放大光明十種寶樹枝葉扶疎周  
匝圍遶靡不嚴好微妙堅固金剛寶輪以承其下以  
一切寶為龍神像而共捧持種種寶物以為嚴飾於  
交露間標題德相以種種色閒錯莊嚴一切寶幢一

切寶旛。周徧行列。眾寶鈴網。摩尼寶網。眾寶華網。大  
 摩尼王網。以覆其上。無量寶香。常出香雲。種種寶衣。  
 處處分布。百千種樂。出過諸天。恒奏美音。悅可人意。  
 復於其上。張施寶蓋。常放無量寶燄光明。如閻浮金。  
 熾然清淨。垂諸華纓。無數摩尼寶王。為帶周迴。閒列。  
 種種裸色。摩尼寶鈴。恒出妙音。勸諸眾生。修行十善。  
 時一切法圓滿。寶蓋大師子吼。妙音聲王。處師子座。  
 具足妙色。形容端正。人相圓滿。最勝清淨。世無能比。  
 毗盧遮那摩尼寶王。以為其冠。那羅延身。不可沮壞。  
 一支分悉皆圓滿。性普賢善。王種中生。於財及法。

皆得自在。辯才無礙。智慧明達。以正治國。無違命者。  
 一切眾生咸讚。彼王無量無邊殊勝功德。光明熾盛。  
 過天帝釋。見者無厭。常於空中。現大輪蓋。摩尼寶藏。  
 其數百千。以為輪輻。無數寶燄。吉祥威德。光明莊嚴。  
 閻浮檀金。放清淨光。以覆其上。種種寶色。金網莊嚴。  
 真珠瓔珞。周匝垂下。又以寶繩。懸眾寶鈴。眾寶莊校。  
 恒吐妙音。過諸天樂。覺悟世間。宣揚善行。復有妙扇。  
 寶縷織成。扇以香風。發揚威德。爾時於此閻浮提內。  
 無量無數。百千萬億。那由他眾生。種種國土。種種族  
 類。種種眷屬。種種形貌。種種衣服。種種言辭。種種心。

行種種欲樂。各各希求。種種財寶。種種資生。種種受  
 用。俱來此會。觀察彼王。以種種言語。種種訓釋。種種  
 辯才。種種名句。咸歎此王是大智人。是福須彌。是勝  
 功德圓滿白月。是得自在無礙丈夫。住菩薩願。行廣  
 大施。時王見彼諸來集會於己。乞求生愛敬心。生悲  
 愍心。生歡喜心。生尊重心。生廣大心。生善友心。生相  
 續心。生精進心。生不退心。生捨施心。生周徧心。生平  
 等心。生清淨心。生成就心。生速疾心。生見種種善知  
 識心。善男子。爾時彼王見諸乞者。心大歡喜。經須臾  
 頃。假使轉輪聖王。盡無邊劫所受快樂。所不能及。如

806

是忉利天王。夜摩天王。兜率陀天王。盡百千億那由  
 他劫所受快樂。亦不能及。善化天王。於無數劫所受  
 快樂。自在天王。於無量劫所受快樂。大梵天王。於無  
 邊劫所受梵樂。光音天王。於難思劫所受天樂。徧淨  
 天王。於無盡劫所受天樂。淨居天王。不可說劫住寂  
 靜樂。悉不能及。譬如有人仁慈孝友。遭逢世難。父母  
 兄弟姊妹妻息。內外宗親。皆散失。忽於曠野道路  
 之間。而相值遇。瞻奉撫對。情無厭足。時彼大王見來  
 乞者。心生愛敬。歡喜踊躍慶幸之心。亦復如是。善男  
 子。其王爾時因善知識。於佛菩提。解欲增長。諸根成

807

就信心清淨歡喜圓滿不可思議何以故此大菩薩  
勤修諸行求一切智願得利益一切眾生心無懈倦  
願得充足一切眾生衣服飲食願獲菩提無量妙樂  
捨離一切諸不善心常願積集一切善根常願救護  
一切眾生常樂觀察薩婆若道常樂修行一切智法  
滿足一切眾生所願入一切佛功德大海破一切魔  
業障山隨順受持一切佛教行一切智無障礙道  
已能深入一切智流一切法流常現在前大願無盡  
爲大丈夫住大人法積集一切普門善藏願捨一切  
執著之心不染一切世間境界知諸法性猶如虛空

於彼一切諸來乞者生一子想生父母想生福田想  
生善友想生難得想生恩益想生覆護想生堅固想  
生導師想生如來想不揀方處不擇族類不選形貌  
隨有來至如其所欲隨其方處隨其國邑如彼所求  
如彼愛樂以大慈心平等無礙以大捨光照明一切  
應眾生心令無所乏求飲食者施與飲食求衣服者  
施與衣服求香華者施與香華求鬘蓋者施與鬘蓋  
如有求幢幡瓔珞宮殿園苑象馬車乘牀座被褥  
金銀摩尼真珠琉璃璧玉珂貝諸珍寶物一切庫藏  
及諸眷屬妹女妃嬪城邑聚落園林屋宅皆悉如是

普施眾生。

大方廣佛華嚴經普賢行願品卷第二十三

音釋

漩復 <small>漩旬宣切</small>	瀆 <small>瀆房六切</small>	枯槁 <small>槁苦老切</small>	攀 <small>攀髮紅切</small>
皴裂 <small>皴七倫切</small>	裂 <small>裂力薛切</small>	也 <small>也</small>	醫 <small>醫目疾也</small>
貝 <small>貝珂工何切</small>	螺 <small>螺屬貝之</small>	也 <small>也</small>	礫 <small>礫石也</small>
大者為珂貝博蓋切			小珂

810

大方廣佛華嚴經入不思議解脫境界普賢行願品卷第二十四

唐罽賓國三藏般若奉詔譯

時此會中有長者女名寶光明。與六十童女眷屬圍遶。端正殊妙。人所喜見。皮膚金色。目髮紺青。勝妙圓滿。色相具足。身出妙香。口演梵音。上妙寶衣。以為嚴飾。常懷慚愧。正念不亂。有大智慧。動止安詳。具足威儀。恭敬師長。最勝清淨。心無放逸。常念順行。甚深妙行。所聞之法。憶持不忘。宿世善根。流潤其心。相似妙果。靡不成就。清淨廣大。猶如虛空。等安眾生。常見諸

811

佛。盡無餘界求一切智。去王不遠。合掌頂禮。以恭敬  
 心作如是念。我得善利。我得善利。我今得見大善知  
 識。最難見者。於今得見時。女於王生大師想。生於最  
 勝善知識想。具慈悲想。能攝受想。其心正直。最勝清  
 淨。生於廣大歡喜之心。卽解自身所佩瓔珞。持奉彼  
 王。作是願言。今此大王。能爲一切無量無邊無主無  
 依無明衆生。成就救護利益。照明作所依處。願我未  
 來亦復如是。如彼大王所知之法。所載之乘。所修之  
 道。所具色相。所攝衆會。無邊無盡。難勝難壞。願我未  
 來悉得成就。隨彼大王所生之處。願我常得隨彼受

812

生爾時大王知此童女發如是心。作如是願。觀其意  
 樂而告之言。童女當知。隨汝所欲。我皆與汝。我今所  
 有一切皆捨。令諸衆生普得滿足。一切平等心無分  
 別。隨汝所願。恣意取之時。寶光明女信心清淨。生大  
 歡喜。速疾增長一切善根。卽以妙偈而讚王言。

昔此娑羅大城邑	威德聖王未出時
凡諸事物悉無堪	可畏猶如餓鬼處
一切衆生相殺害	竊盜淫泆性難調
虛誑不實麤惡言	褻穢乖離無義語
常樂貪奪他財物	恒懷瞋恚毒害心

813

依邪惡見不善行  
此諸非法眾生類  
壞滅正法邪見興  
多歷年歲無時雨  
樹木藥草悉焦枯  
大王昔日未出時  
一切園苑盡荒蕪  
今得大王居寶位  
油雲膏雨被八方  
大王出興爲世主

從此命終墮惡道  
愚癡黑闇之所迷  
由是天龍不降澤  
百穀芽莖皆不生  
大小泉流亦乾竭  
河池及井皆枯涸  
白骨縱橫猶曠野  
惠及一切諸羣生  
大地率土皆充滿  
止諸盜賊息奸欺

所有牢獄悉皆空  
昔時世界眾生類  
飲啗血肉恣無厭  
昔時國內諸眾生  
飢渴衰羸如餓鬼  
大王今旣興於世  
劫波樹藏出妙衣  
昔日多求縱非法  
今時嚴具悉豐盈  
昔縱迷心造諸惡

一切勞獨無憂怖  
好相殺害起怨讎  
今悉慈心互相視  
貧窮裸露無衣服  
以草蔽身受寒苦  
稻粱甘果自然生  
一切男女皆嚴飾  
爲競微利相陵奪  
自在歡樂如天處  
放逸非分生食染

於他妻妾起邪心  
今時所見他女人  
心恒清淨無染著  
昔時世界諸眾生  
恒起邪思滅正法  
今時一切羣生類  
音聲柔軟悅人心  
大王今演妙法音  
迎陵頻伽梵聲相  
大王頂上殊勝蓋

乃至種種相侵奪  
色貌端妍妙嚴飾  
知足猶如兜率天  
妄言麤惡多離閒  
諂曲穢穢隨人意  
悉皆捨離麤惡言  
一切聽聞無不喜  
眾生聞者咸忻悅  
諸天音樂無能及  
一切妙寶所莊嚴

816

琉璃藏寶吉祥竿  
金鈴自然出妙聲  
宣揚一切諸佛法  
又此鈴音廣宣說  
所有劫海一切佛  
又復鈴音次第演  
其中諸佛及刹名  
鈴中又出法輪音  
廣說梵釋及眾生  
人天聞此音聲已

覆以眾妙摩尼網  
其音超世無倫匹  
除滅一切眾生惑  
現在十方諸刹土  
具大名稱諸眷屬  
過去一切十方刹  
所轉法輪無不盡  
其聲普徧閻浮界  
所依諸業皆差別  
各各自知諸業藏

817

離惡向善勤修行  
 王父號曰淨光明  
 當於五濁興盛時  
 是時有一廣大園  
 一一百千樹圍遶  
 於其一池岸上  
 以眾裸寶為欄楯  
 彼王末世惡法生  
 一切池水悉乾竭  
 大王將生七日前

安住諸佛菩提道  
 王母名為蓮華光  
 出現為王治天下  
 園有五百蓮華池  
 摩尼華燈所彌覆  
 建立千柱莊嚴殿  
 半月餘光恒普照  
 積年亢旱無時雨  
 所有草樹皆枯槁  
 先現禎祥希有相

眾生瞻仰相謂言  
 爾時世界於中夜  
 其中有一寶華池  
 五百蓮池所圍遶  
 流演普及閻浮地  
 一切華林及藥草  
 所有枝葉及果實  
 種種溝坑及埕阜  
 如是所有閻浮地  
 一切荆棘及沙礫

救護世者今當現  
 大地一切咸震動  
 出大光明猶日現  
 入功德水咸充滿  
 隨其所至皆霑洽  
 百穀芽莖苗稼等  
 如是一切皆繁盛  
 乃至一切高下處  
 今時莫不皆平坦  
 閻浮所有諸裸穢

如是皆於一念中  
 眾生是時既見已  
 咸言我今得善利  
 時彼地主光明王  
 前後導從千俱胝  
 是時五百諸池內  
 於池岸上有法堂  
 時光明王語夫人  
 中宵山地皆震動  
 即時慶喜香池內

變成眾寶莊嚴地  
 歡喜相慶而稱讚  
 如渴乏人思美水  
 卽命輔臣並眷屬  
 法駕遊觀諸園苑  
 有一蓮池名慶喜  
 王及夫人於此住  
 我念曾於七夜前  
 此池中有光明現  
 忽生千葉寶蓮華

光明上徹須彌頂  
 金剛妙寶以為莖  
 淨摩尼寶為華葉  
 大王生彼蓮華上  
 光明相好以莊嚴  
 光王爾時大歡喜  
 兩手持以授夫人  
 百千伏藏皆涌出  
 諸天競奏微妙音  
 閻浮所有諸眾生

雲網照耀如千日  
 閻浮檀金以為臺  
 妙香光藏作鬘藥  
 端然不動跏趺坐  
 百千天眾咸恭敬  
 遽入華池自撫鞠  
 此是汝子應欣慶  
 一切寶樹生妙衣  
 充滿一切虛空界  
 悉皆歸向生歡喜

合掌咸稱如是言  
 王時身放大光明  
 一念能令四天下  
 夜叉羅刹毗舍闍  
 所欲惱害眾生者  
 衰毀饑苦諸無利  
 如是眾苦悉消除  
 凡是一切眾生類  
 離諸怨害起慈心  
 大王關閉諸惡趣

善哉救世今當出  
 普照一切諸羣品  
 身病黑暗皆除滅  
 一切毒蟲諸惡獸  
 靡不隱蔽自藏匿  
 種種災難病所持  
 世閒安樂咸歡喜  
 互相瞻視如父母  
 專意勤修一切智  
 開導一切人天路

利益一切苦眾生  
 我等今得見大王  
 無主無歸無導師

顯示宣揚一切智  
 普獲一切諸善利  
 一切如應悉安樂

爾時寶光明童女以此妙偈讚歎一切法圓滿寶蓋  
 大師子吼妙音聲王已繞無量匝合掌頂禮曲躬恭  
 敬却住一面時彼大王普徧觀察告童女言善哉童  
 女汝能信知他人功德甚為希有何以故一切眾生  
 覆藏已過揚人之短稱己有德蔽他善根不能信知  
 他人功德童女當知一切眾生為諸愚癡黑暗覆蓋  
 煩惱纏縛不識慚愧不知報恩無有智慧其心濁亂

性不明了。本無志力。又退修行。如是之人。不信不解。  
 不能了知菩薩如來所有功德。不能分別佛法僧寶。  
 最勝福田。不知一切諸佛菩薩清淨法門。清淨智慧。  
 神通智慧。隨順思惟。童女汝今決定求趣無上正等。  
 菩提。能知菩薩如是廣大甚深功德。能信能解。汝今  
 生此閻浮提中。發勇猛心。修菩薩行。普攝眾生。功不  
 唐捐。如汝所願。悉當成就。如是功德。如是福力。如是  
 饒益。無不具足。王讚女已。以無價寶。火光摩尼。種種  
 妙色。所莊嚴衣。手自授與寶光童女。并其眷屬。一一  
 告言。汝諸童女。各各受取。著此妙衣。時諸童女。雙膝

824

著地。兩手承捧。置於頂上。然後而著。既著衣已。右邊  
 於王頭面作禮。時彼一切諸寶衣中。普出一切星宿  
 光明。眾人見之。咸作是言。此諸女等。皆悉端正。如淨  
 夜天星宿。莊嚴爾時。夜神告善財言。善男子。於意云  
 何。爾時一切法圓滿。寶蓋大師子。吼妙音聲。王者豈  
 異人乎。毗盧遮那如來。應正等覺。是也。光明王者。淨  
 飯王。是蓮華光夫人者。摩耶夫人。是寶光明童女者。  
 卽我身。是其王。爾時以四攝法。所攝眾生。卽此佛會  
 大道場中。一切菩薩。雲集者。是皆於阿耨多羅三藐  
 三菩提。得不退轉。或住菩薩初極喜地。或離垢地。或

825

發光地或燄慧地或難勝地或現前地或遠行地或  
 不動地或善慧地或法雲地各各具足種種大願集  
 種種助道修種種妙行備種種莊嚴獲種種清淨得  
 種種神通遊種種自在住種種解脫從種種方所來  
 此會中處於種種妙法宮殿爾時能開敷一切樹華  
 安樂主夜神為善財童子欲明此解脫門義而說偈  
 言。

826

佛子我有廣大眼	普能觀察於十方
種種廣大刹海中	眾生五趣輪迴者
亦見彼刹一切佛	皆坐寂滅菩提樹

神通充徧於十方	說法調伏諸羣品
佛子我有淨妙耳	普聞一切無盡聲
亦聞諸佛轉法輪	皆能信受生歡喜
佛子我有他心智	出過眾生心境界
無二無礙量無邊	一念悉了諸心海
佛子我有宿命智	能知過去諸劫海
自身他身所受生	一念分明皆悉了
佛子我於一念知	一切刹海極微劫
佛及菩薩諸神通	五道輪轉眾生類
我亦知彼諸世尊	初發廣大菩提願

827

一切行海具修行	乃至當成一切智
亦知彼佛灌頂地	具足無等菩提道
方便說法悉不空	我於一念皆明了
亦知彼佛方便門	轉大法輪滿世間
涅槃無量諸功德	法住久近皆能了
亦知彼佛所調伏	廣大教法諸乘海
顯示一切諸世間	種種差別皆明了
我於無量無邊劫	修此喜光解脫門
今為汝說真實義	汝應愛樂勤修學

善男子。我唯知此菩薩出生廣大歡喜調伏眾生藏

普光明解脫門。如諸菩薩摩訶薩親近供養一切如來。入一切智廣大願海圓滿一切如來願海得勇猛智。於一菩薩地。普入一切菩薩地海得清淨願。於一菩薩行。普入一切菩薩行海得自在力。於一菩薩解脫門。普入一切菩薩解脫門海尊重恭敬諸善知識。增長善根常無厭足。承事一切諸佛菩薩勤求一切種智法門。愛樂觀察正念思惟其心決定恒無懈怠。不著一切利養恭敬讚歎名聞於世。資生永離貪著。滿眾生心如如意實心常愛樂一切智地。觀察如來力無所畏佛不共法。勤求圓滿一切菩薩波羅蜜行。

遠離詭幻如說而行。常真實語守護佛種。於一切智  
 其心不動如大山王。而我云何能知能說彼功德行。  
 善男子。此菩提場如來會中。有一夜神。名守護一切  
 眾生大願精進力光明。汝詣彼問菩薩云何教化眾  
 生。令其發趣阿耨多羅三藐三菩提。云何嚴淨一切  
 佛刹。云何承事一切如來。云何能令一切如來皆悉  
 歡喜。云何能於一切菩薩所問學佛法勤求修習。時  
 善財童子。禮夜神足繞無數匝。殷勤瞻仰。深心戀慕。  
 辭退而去。爾時善財童子。往詣守護一切眾生大願  
 精進力光明主夜神。所見彼夜神在大眾中坐普照

現一切眾生宮殿影像。摩尼王藏師子之座。普現法  
 界差別影像。摩尼寶網彌覆其上。現一切日月星宿  
 影像身。現隨眾生心。普令得見身。現等諸眾生差別  
 形像身。現無邊廣大色相海身。現普現一切諸相威  
 儀身。現普於十方悉能應現身。現普能成熟一切眾  
 生身。現廣運速疾神通法雲身。現利益眾生相續徧  
 滿身。現常遊虛空利益廣大身。現一切佛所恭敬頂  
 禮身。現增長一切眾生善根身。現受持佛法恒不忘  
 失身。現圓滿菩薩廣大誓願身。現普光照耀充滿十  
 方身。現法燈普照除滅世闇身。現了法如幻無垢深

智身。現遠離一切塵暗法性身。現出生佛法覺悟一切身。現普智光照差別身。現究竟無患無煩惱身。現不可沮壞具足堅固身。現無所依住如來威力身。現性無分別體離垢染身。現性本清淨顯照諸法身。時善財童子。見彼夜神現如是等佛刹極微塵數差別身已。一心頂禮舉體投地。良久乃起。合掌瞻仰於善知識。生十種心。何等為十。所謂於善知識生同己心。令我精勤辦一切智助道法故。於善知識生自業果心。令我親近發起清淨勝善根故。於善知識生莊嚴菩薩行心。令我速能莊嚴一切菩薩行故。於善知識

832

生成就一切佛法心。引導於我隨順修行諸佛道故。於善知識生最勝心。令我生於佛境界中智光照故。於善知識生出離心。令我修行普賢菩薩出離行故。於善知識生能具足福智海心。令我積集成就福智白淨法故。於善知識生增長心。令我精進速疾增長一切智故。於善知識生能具足諸善根心。令我志願悉得圓滿。令諸眾生歡喜故。於善知識生能成辦大利益心。令我自在利樂眾生。安住一切菩薩法故。成就一切種智道故。發是心已。得彼夜神與諸菩薩佛刹極微塵數同行。所謂同念心常憶念十方三

833

世一切佛故同慧分別決了一切法海差別門故同  
趣善巧開示一切如來妙法輪故同覺以等空智覺  
悟一切三世教故同根成就菩薩淨智光明普照眾  
生諸根海故同心善能修習無礙功德莊嚴一切菩  
薩道故同境智光普照一切如來所行境故同教獲  
一切智照諸教海一切相故同義能以智慧覺悟一  
切法自性故同法住深入一切法界海故同勇猛得  
不共法摧滅一切障礙山故同色身隨眾生心示現  
種種相好身故同諸力勤求成就一切智力不退轉  
故同無畏其心清淨猶如虛空無障礙故同精進於

無量劫行菩薩行無懈倦故同辯才得一切法無障  
礙智普光明故同無等身相清淨一切世閒無能勝  
故同愛語凡所語言令諸眾生皆歡喜故同妙音能  
師子吼普演一切法門海故同滿音以圓滿音令諸  
眾生隨類解故同淨德隨順修習一切如來淨功德  
故同淨業成就清淨一切菩薩諸善業故同智地受  
一切佛所轉法輪為眾生故同梵行安住一切如來  
所行智境界故同大慈念念普覆一切國土眾生海  
故同大悲興大法雲普降法雨潤澤一切諸眾生故  
同身業以方便行教化成熟諸眾生故同語業以隨

類音演說一切諸法門故同意業普攝眾生置一切  
智境界中故同莊嚴清淨莊嚴一切十方諸佛刹故  
同親近見一切佛出興於世皆親近故同勸請<sub>請</sub>一切  
佛爲諸眾生轉法輪故同供養常樂供養承事一切  
諸如來故同教化調伏成熟一切世間諸眾生故同  
光明普能自在照了一切諸法門故同三昧普知一  
切十方世界眾生心故同充徧以自在力徧一切刹  
修諸行故同住處住諸菩薩神通海故同眷屬一切  
菩薩共止住故同趣入普入世界微細處故同心慮  
普知廣大諸佛刹故同往詣隨順往詣普入一切佛

刹海故同方便悉能示現徧滿一切諸佛刹故同超  
勝徧於一切諸佛刹中無與等故同不退普入十方  
威德平等無障礙故同破暗得一切佛成菩提智普  
光明故同無生忍入一切佛道場眾海無染著故同  
普徧承事供養不可說刹諸如來故同智證隨順了  
知諸法門海常相續故同修行現前勤求順行一切  
諸法門故同希求於清淨法周徧勤求深樂欲故同  
清淨集佛功德而以莊嚴身口意故同妙意於一切  
法正分別智能明了故同精進勤求成就一切如來  
諸善根故同淨行成就滿足一切菩薩所行行故同

無礙覺悟了知一切諸法皆無相故同善巧能於如  
 來一切法中智自在故同隨樂隨諸眾生心之所樂  
 現境界故同方便善巧修習一切法門所應習故同  
 護念得一切佛自在威力所護念故同入地得入一  
 切諸佛菩薩所住地故同所住安住一切諸佛菩薩  
 所證位故同記別普為一切諸佛如來授記別故同  
 三昧於一念中普入一切三昧海故同建立於刹那  
 中示現種種諸佛事故同正念正念隨順一切如來  
 境界門故同修行盡未來劫勇猛精進勤修一切菩  
 薩行故同淨信於諸如來無量智慧速疾愛敬極欣

838

樂故同捨離滅除一切諸障礙故同不退智與諸如  
 來智慧等故同受生應現成熟諸眾生故同所住安  
 住如來一切種智方便門故同境界能於甚深法性  
 境界得自在故同無依永滅一切諸有染著所依心  
 故同說法已甚深入種種法門平等智故同勤修於  
 己身內受持佛法自體威德所護念故同神通開悟  
 眾生令修一切菩薩行故同無行不動深入一切十  
 方諸剎海故同神力一念徧遊十方一切世界海故  
 同總持已得一切陀羅尼海普照門故同祕密了知  
 一切修多羅中妙法門故同甚深解一切法離相清

839

淨如虛空故。同光明。放大光明。普照十方諸世界故。  
 同智光。普照顯示一切眾生心體性故。同震動為諸  
 眾生現神通力。威德自在。普震十方諸佛刹故。同不  
 虛。一切眾生種種方所見聞憶念。皆悉令其心調伏  
 故。同出離。普為滿足一切菩薩諸大願海。成就如來  
 十力智故。同欣樂。隨眾生心而為開示。令歡喜故。時  
 善財童子。普徧觀察守護一切眾生。大願精進力。光  
 明主夜神。起彼十種極清淨心。獲此佛刹極微塵數  
 菩薩同行。得是行已。心轉清淨。於善知識發起無量  
 無邊歡喜。徧袒右肩頂禮。其足合掌恭敬。一心瞻仰。

840

以偈讚曰

我發堅固自在意	志求無上佛菩提
今於聖者知識所	而起自己無異心
我以得見善知識	普集無盡諸白法
滅除一切眾罪垢	成就清淨菩提果
我因得見善知識	普以功德莊嚴心
盡未來劫諸刹中	勤修利益眾生道
我念聖者善知識	攝受饒益成就我
為攝我故悉顯示	最勝寂靜真實法
關閉險難諸惡趣	開示淨妙人天路

841

亦示一切諸如來  
聖者希有無等倫  
無垢無量如虛空  
聖者福海量如空  
念念之中能出生  
仁今滿我波羅蜜  
令我冠佛妙法繒  
我念聖者善知識  
我今誓願常依止  
我以善友饒益故

所成種智無師道  
是佛最勝功德藏  
出一切智清淨樂  
我今所見無邊際  
清淨善根一切智  
增我不可思議福  
長我清淨諸功德  
令我成滿諸佛智  
速疾成就諸白法  
一切功德咸具足

歡喜普爲諸眾生  
仁今與我爲師範  
我於無數億劫中

教導宣揚一切智  
令我修行無上法  
無能少報師恩德

爾時善財說偈讚已。自言大聖。向所顯現不可思議  
菩薩境界。願爲我說此解脫門名爲何等。發心已來  
爲幾時耶。久如當得阿耨多羅三藐三菩提。夜神告  
言善男子。此解脫門名普化眾生。令生善根。我以得  
此解脫門。故悟一切法自性平等。入於諸法真實之  
性。證無依法。捨離世間。悉知諸法色相差別。亦能了  
達青黃赤白。性皆不實。無有差別。而恒示現無量無

數清淨色身。所謂種種色身。非一色身。無邊色身。清  
淨色身。一切莊嚴色身。普見色身。等一切眾生形相  
色身。普現一切眾生前色身。光明普照色身。眾所樂  
見色身。見無厭足色身。相好清淨色身。離一切惡淨  
光普照色身。大力勇猛平等示現色身。一切世間甚  
深難得色身。一切世間無能映蔽色身。一切眾生稱  
歎無盡色身。念念觀察種種莊嚴色身。示現種種諸  
形像雲色身。出現種種形色顯色色身。普現無量神  
力色身。普放一切眾妙光明色身。一切淨妙莊嚴色  
身。隨順成熟一切眾生色身。隨其心樂現前調伏色

身。隨所應度成就善根色身。現無障礙普光明照色  
身。淨無濁穢廣大光明色身。可愛端正增長不壞色  
身。具足莊嚴清淨堅固色身。方便開示不思議法微  
妙光明色身。一切無能映奪色身。能映奪一切色身。  
無諸暗障色身。能被諸闇色身。普集一切諸白淨法  
色身。具足勢力大功德海色身。從於過去尊重恭敬  
爲因所生色身。如虛空清淨心所起色身。最勝廣大  
超過妙寶色身。無斷無盡大功德海色身。普遍出現  
大光明海色身。一切世間無依無別平等色身。徧滿  
十方一切世界無礙色身。念念出現不可說刹海顯

示種種色相海色身增長一切眾生種種歡喜心色  
 身攝取一切眾生海色身能於一一毛孔之中出師  
 子吼說一切佛功德海色身能淨一切眾生心性甚  
 深信解海色身決定解了一切法義無礙網色身心  
 無障礙種種光網普照耀色身等虛空量淨光明色  
 身能放廣大摩尼寶王淨光明色身照現無垢法界  
 影像色身世無能比色身種種妙相差別莊嚴色身  
 普照十方色身隨時示現應諸眾生常不斷絕色身  
 出生寂靜調伏一切眾生色身善能除滅一切煩惱  
 色身一切眾生功德福田色身能清淨一切教色身

846

一切眾生所見不虛色身現大智慧勇猛威力色身  
 無障礙普周徧色身顯示最勝利益世間色身現能  
 普集大慈海色身普集大福山王色身普光照現一  
 切世趣影像色身現能清淨大智慧力色身隨順一  
 切世間正念色身一切寶相光明色身顯示毗盧遮  
 那藏色身隨順一切眾生寂靜色身一切智體相現  
 前色身現微笑眼能令眾生普生淨信色身一切眾  
 寶最勝莊嚴普光明色身不取不捨一切眾生色身  
 無決定無執著色身顯示自在威力加持色身顯示  
 諸法神通變化色身種種如來善根光照色身徧法

847

界海遠離諸惡色身。普現親近一切如來道場聚會  
 色身。現能成就種種妙色海色身。普徧出現善行所  
 流相似妙果色身。隨所應化調伏眾生色身。一切世  
 間見無厭足色身。放種種色淨光明色身。顯示一切  
 三世相海色身。能放一切燄海光明色身。顯示無量  
 圓滿光明海色身。一切妙香光明普徧超諸世間色  
 身。一毛孔現不可說極微塵數日輪雲色身。廣大  
 無垢月輪雲威德色身。放無量色須彌山王妙華雲  
 光明色身。出生種種妙鬘雲光明色身。顯示一切寶  
 蓮華雲色身。出興一切燒香形像雲。普徧法界色身。

念念普散一切末香藏雲。現前變化徧滿十方色身。  
 現一切如來廣大願雲色身。現一切語言普演法海  
 色身。現普賢菩薩形像身雲色身。念念中現如是等  
 諸色相身。充滿十方一切法界。令諸眾生或見色身。  
 或聞說法。或隨順憶念。或親近承事。或遇神通。或觀  
 變化。如是種種不可思議自在威力。悉隨心樂皆得  
 開悟。應時調伏捨不善業。善行圓滿。善男子。當知此  
 由往昔種種大願力。故具一切智速疾力。故菩薩解  
 脫廣大。力故救護眾生。大悲力故安樂眾生。大慈力  
 故勤求隨順不退力。故一切如來加持力。故作如是

事善男子我入此解脫。了知法性無有差別。而能示  
 現無量色身。於一一身。顯現無量諸色相海。於一一  
 相。普放無量大光明雲。一一光明。照現無量諸佛刹  
 土。一一刹土。現無量佛出興於世。一一如來。顯現無  
 量大神通力。隨諸眾生心行不同。開發覺悟宿世善  
 根。未種者令種。已種者令增長。已增長者令成熟。於  
 念念中。令無量眾生。於阿耨多羅三藐三菩提。得不  
 退轉。安住種種解脫門中。

大方廣佛華嚴經普賢行願品卷第二十四

音釋